

## Sa festa de s' Ispiritu Santu

### Programma

Cras in Oroteddi comintzat sa festa de tres dies de s'Ispiritu Santu, promòvida dae su bighinadu de Mussinzua.

Sa chenàbura, in frau de su sero, b'at a èssere ballos e càntigos sardos.

Su sàpadu b'at a èssere su pàliu de sos caddos, cun sa “cursa a s'isteddu”, ordimigiada dae sos “Amigos de su caddu” chi s'at a fàghere a curtzu a su campu isportivu. Sos de su sòtziu avisant chi “ant a leare parte a su pàliu petzi sas trumas de cadderis chi su Comitadu at invitadu, chi ant a dèpere cùrrere a tres a tres, cun s'òbligu de esserent bestidos cun su costùmene de sa bidda pròpia”.

B'ant a èssere 18 rapresentàntzias: Oroteddi Onieri, Sarule, Illorai, Anela, Nùgoro, Benetuti, Nule, Bono, Buddusò, Burgos, Silanos, Macumere, Sindia, Bortigale, Orgòsolo, Mamujada e Aristanis. A pustis b'at a èssere sos grupos folc e sos càntigos a chiterra.

Sa festa acabbat sa domìniga, cun sa festa religiosa e sa professone de sos cadderis.